

Wintergrün/ Holzmangolt.

Waldmangolt.

Dieses Kraut ist warm vnd trucken im dritten Grad: Ein Wundkraut darauß man Salben macht/ vnd außwendig des Leibs gebrauchet: Ein Tranck mit Wein von dem Kraut gemacht/ heilet ins

wendig vnd außwendig alle Wunden / wilt du es kräftiger machen / so nimme dazu Sannickel/ Sinnew/ Ingrün / vnd Beyfuß.

Wintergrün
Wasser.

Mitten im Meyen gebrandt mit Kraut/ Stengel vnd Wurzeln/ ist gut getruncken zu allen frischen Wunden/ jedes mahl zwey loth/ Morgens/ Mittags vnd Abends die

Wunden damit gewäschen/ vnd mit Tüchern darüber gelegt / heilet auch / also gebrauchet/ alle böse Schäden:

Haarstrang.

Eberwurz.

Dieses Krauts wurzel ist gleich als ein geflechtes Haar / hat Safft an ihr/ der wird gleich hart als Schwebel/ stärker in seiner krafft/ dann die wurzel/ ist heiß vnd trucken. Dieser Safft gemischt

Von allerhand Arzney/



mischer mit Rosendöl/
das Haupt darmit
beitrichen/benimt Ge/
schwer darinn / aber
mit Essig vnd Rosen/
wasser die Schläffe
gesalbet / heilet die
Tobende sucht / vnd
Fallende sucht.

Mit der Wurtzel ei/
nen Rauch gemacht/
vnden auff gebähet/
machet die Frawen
fruchtbar. Aber das
Kraut gesotten mit
Wein oder Wasser/
ist gut wider Ver/
stopffung der Lebern
vnd Milz / vnd wider
den kalten Seuch.

Genseric.

Grensing.

Dies Kraut ist warm vnd feuchter Natur. Mit
Wermuth Kraut genüzet / tödret die Würm/
vertreibet das Grimmen. In Wein gesotten/
vnd also warm auff den Nabel gelegt/das ma/
chet zu Stul gehen. Die Glieder darmit geriben/
stärcket sie wol. Der Safft dienet auch fast wol den
aufwendigen Wunden/darüber gestrichen.

Genseric Wasser.

Zwischen den zweyen vnser Frawen tagen / also ges/
brandt / vud getruncken sechs oder acht Tag / Morgens
vnd Abends jedes mahl drey Loth / verstellet das weiß
den Frawen. In die Augen gerhan / für die Fläß
vnd